

Plenchi

Bèl a bati

TRINGG TRINGGG bèlèm..... TRINGG TRINGGG bèlèm.....

Bon bini amigunan. Bin subi nos plenchi di skol. Nos tin diferente informashon pa bo atrobe. Kue bo glas di awa, paso awa ta keda e mihó bibida pa bo kurpa, i disfrutá riba nos Plenchi. Anto smail ta e mihó terapia pa bo mes i pa otro ku ta mira bo smail. Pone bo radio toka, pa e músika alegrá bo kurason.

Lanta mainta gradisido, biba gradisido i bo ta un plaser pa bo mes i pa otro.

Skolnan ta keda bria ku aktividatnan positivo, Tur dia ta pasa asina tantu kos bon, ku si bo ke miranan ta fásil. Nos ta fokus riba e positivismo. Pesei skolnan ta duna oportunitat na nos hóbennan pa nan por ekspresá nan mes ku kanto, músika, baile, pintamentu, aktividat físiko. Awe nos ta duna boso un bista den e orkesta pa hóben na Kolegio Maria Auxiliadora. Tambe boso ta mira mayornan ku a sigui kurso pa asina nan por tin mas informashon i konosementu pa duia nan yunan. Pabien na mayornan di Berg Carmel College, ku a risibi nan sertifikado. Eliga Martir un biaha mas den ku nan sentro pa siña spesial pa e hóbennan. Atrobe diferente nota positivo di den nos skolnan pa boso. Disfrutá di nos plenchi, trahá speshalmente pa bo.

Not'é riba bòrchi

Kolegio Maria Auxiliadora ta duru duru riba su proyekto di músika. Muchanan a kuminsá ku lès di kanto te ku a yega e momentu ku kada un por a skohe un instrumènt pa nan siña toka. E muchanan ta mashá entusiasamá ku e posibilidat aki. Nan mayornan tambe ta masha kontentu di mira nan yunan motivá pa nan toka. Músika ta masha bunita medio pa siña hóbennan masha hopi balor den bida. E ta siña nan skucha, traha huntu, konsentrá, kreatividat i mas ku tur kos e ta duna nan goso i konfiansa propio. Pabien na Maria Auxiladora ku nan esfuerso i danki un biaha mas na e komishon di leerorkest ku huntu ku e leerorkest di Hulanda ta brinda nos e oportunitat aki. E potrètnan ta papia pa nan mes.



Riba roster

Na Berg Carmel College durante un aña kaba tabata bezig ku e programa di Triple P. Triple P ta pará pa un Programa Pedagógico Positivo. Den e kurso aki e mayor ta siña dil ku komportashon di su yu na un manera positivo. Tur mucha ku ta krese ku e metodo di edukashon positivo: 1. Tin mas chèns pa desaroyá abilidadnan ku nan mester pa por funshoná bon na skol; 2. Ta forma amistad i ta sinti nan mes bon emoshonalmente; 3. Tambe nan tin ménos chèns pa desaroyá problemanan di komportashon òf emoshonal ora nan bira grandi.

Mayornan ku a partisipá na e kurso ta hopi kontentu paso nan a mira un kambio grandi den nan relashon pa ku nan yunan. Nan a realisá kon fuerte e contenido di e programa aki ta si bo pone den praktika loke bo ta siña. E ta eksigui di e mayornan pa keda konsekuente i mantené loke ta bon.

Tim di maneho kier a felisítá e mayornan ku a tèrminá e kurso aki i nos kier a yama danki na e fasilitadonan ku a duna e kursonan.

Riba e fotonan por mira un kantidat di 18 mayor ku a risibí nan sertifikado di Triple P.



Den agènda

Fakansi di skol:

21 desèmber te ku 3 yanuari.

Selebrashon

Selebrashon hubilarionan di RK i brindis di aña nobo 11 di yanuari

Mi ta konta

Tuma bo destino den bo man.

- **Hasi pas ku bo pasado. Pa e no interferí ku bo futuro.**
- **Loke otro ta pensa di bo, no ta bo problema.**
- **Abo ta responsabel pa bo felisidat.**
- **No kompará bo mes ku otro. Shon Kompará ta ladron di felisidat.**
- **Tempu ta kura tur kos. Duna tempu su tempu.**
- **Stòp di kibra bo kabes asina tantu. Aseptá ku bo no por tin kontesta.**
- **Smail mas, no ta abo ta doño di tur problemanan di mundu.**

Un prenchi

Eligia Martir ta kontentu ku nan Sentro pa siña. E hóbennan tin un sala pa nan por traha riba nan proyektonan. Pabien na Eligia Martir.



Mucha djispou

Un mener ta bisa su alumnonan:

Mener: “Hombenan sabi ta duda, ta hombernan bobo tin sigur di tur kos.”

Alumno: “Mener ta sigur di esei?”

Mener: “Mi ta 100% sigur.”